

Saidumarni olti-etti yildan beri ko'rganim yo'q edi. Kabobxonada bir yarim soatcha o'tirib, miriqib gaplashdik. Maktabdoshlardan biri qizini uzatnbdi, birining o'g'li askardan qaytibdi, falonchi bobo, joyi jannatdan bo'lqur, o'tgan yili kuzda tom bosib qazo qilibdi, falonchi kelinoyi bo'lsa ikki bolasining ustiga... Ishqilib, bir dunyo xabar, naq borib kelganday bo'ldim qishloqqa. Yaxshi-yomon tanishlar qatori, Halim domlani so'rab qoldim.

- ... domla chatoq...- dedi Saidumar kabob chaknab turib.
- Ha, nima, kasalmi?
- Undan battar.
- Yo'g'-e, nima... qamoqdamni?
- Yo'q... koshkiydi.

Garangsib, Saidumarga tikilib qoldim. Halim domla eng yaxshi muallimimiz edi, ijtimoiyatdan. Ko'z o'ngimga keltirdki: endi saksonlarga borgandir, nima bo'lishi mumkin?

- Tirikmi, ishqilib domla, gapisang-chi, mujmal qilmay!- dedi toqatsizlanib.
- Kirdi-chiqdi bo'lib qolgan domla,- dedi Saidumar, ko'sratkich barmog'in chakkasiga bigiz qilib.
- Qo'ysang-chi... jinnimi?

U g'amgin bosh irg'adi.

Men jiddiy qabul qilmadim bu gapni, ishonmadim ochig'i. Bunga ishonish qiyin, nihoyatda esli, sog'lom, eqtiyotkor odam edi. Haytovur... qariganda nimalar bo'lmaydi.

- Nimadan iborat... jinniligi? Nimalar qiladi?
- Nima qilardi... G'irt, sho'ring qurg'ur.
- Io'q, menga qara, aniqroq gapir, balki tushunmagandirsanlar uni... Axir, ular...B'T""ular" dedimu, dom-lagN xiyonat qilayotgandek o'zimdan g'azablanib, anchagacha asabiylashib jim o'tirdim. Ruhiy kasallar haqida o'qiganlarim yodimga tushdi:- har xil bo'lishadi: biri Napoleonman, deb da'vo qiladi, biri...
- Ha, ha, buning ham da'vosi zo'r - yozuvchiman, deydi. Yozgani-yozgan.
- Niman yozadi?
- Har baloni, jinnining gapi-da, nima bo'lardi, qalin-qalin daftarlarni to'lg'izib tashlagan.
- O'zing o'qib ko'rdingmi?
- Ko'rdim-da.
- Xo'sh?
- Masalan, qarg'a haqida... velosiped haqida...
- Nima debdi... qarg'a haqida?

Saidumar kulib yubordi:

- Qarg'a... tumshug'i falon santimet. Kuzda janubdan uchib keladi, Qanoti... e, qo'ying-chi, hamma biladi-gan shunday gaplarni daftar-daftар qilib... jinni-ning ishi-da.

- Velosiped-chi?
- Egari uch burchak, ikkita g'ildiragi bo'ladi. Rezinkadan. Rezinka esa... hay, jinni bo'lsa ham biladivey: Masalan, sen rezinkaning nimadan bo'lishini bilasanmi? Yo'q, u biladi. G'afur G'ulom hazillashardi: falonchi shiringina jinni bo'pti, deb. Bu ham esligina jinni bo'lgan.- Saidumar lablarini artib, selkillab kuldii.- Ko'rinishdan binoyiday, qilgan ishlari bo'lsa... Axir, o'rik haqida butun bir daftara! O'zimizning oddiy o'rik haqida. Dovchalogida bolalar talashib yeydn emish. Iyun boshida pishadi, ichida danagi bor, chaqnb mag'zini yeyiladi, mag'zida yog' bor. Quritib, turshak qilish. Hokazo. Kim bilmaydi buni! Kimga kerak, aytin! Balki, chukchalar, eskimoslar uchundir!- yana tebranib kuldii Saidumar.- Qisqasi... domla bechora chatoq.

Turdik. Saidumarning domlamiz ahvoliga beparvoligi menga yoqmadи. Shunaqa ham bo'ladimi! "Ishqilib" "qisqasi"...

Masxaraomuz gaplar. Shunday fojea- haqida-ya!

Yo'q, men domlani borib ko'rishim kerak. Ertasigayoq qishloqqa jo'nadim.

Halim domlaning hovlisida deyarli hech narsa o'zgarmabdi. Choyxonaday keng ayvon. Uy orqasi molqo'ra, suvsizlikdan qurib yotgan o'rikzor. Biz bolaligimizda domлага qarashib, tomga g'o'zapoya g'aramlar, chipta qopga tezak qoplab, o'choq boshidagi bostirmaga g'amlab qo'yar edik. Shuncha yil o'tishiga qaramay, hali ham hammasi o'sha-o'sha. Halim domla bo'lsa sira qarimabdi, ajabo, saksandan oshgan odam... yuzlari qip-qizil, o'zi jonsarak, serharakat... Tavba deyishim kerak, kallamga bir fikr keldi: telbaning miyasi ishlatmaydi-da, nimaga ham qarisin: demak, Saidumarning gapida jon...

Domla meni juda hursandchilik bilan kutib oldi, qayoqqa o'tqazishni bilmaydi: "yozuvchi o'g'lim... yozuvchi inim!.." Nazarimda, shoshib ham qoldi. Men o'z o'yimdan xijolatmanu, lekin domlani hamon zimdan kuzataman...

Yo'q, domla tappa-tuzuk gaplar gapi rayapti. Bola-chaqalarimni surishtirdi, yozganlarimni o'qib turar ekan - xursandchilagini aytdi. Men esa, o'z shubhalarimda o'zimni noqulay sezib, gapimni yo'qotib o'tiribmanu, hamon sinamoq bo'lib, savol qidiraman: nima desam nima derkan? Unga o'zim jinni bo'lib ko'rinnamasam edim.

Domla kamtargina dasturxon tuzadi, men bir vaqtlardagiday, unga qarashgan bo'ldim - bu uyda hamma narsaning joyini bilar edim. Ayvonnning poli - yer, bo'yra ustida namat tashlangan, xontaxta yonida zski ko'rpacha, shu yerda o'tirib bir piyola choy ichdik.

- Domla, siz ham... yozar emishsiz, deb eshitdnm.
- Ha, bizning yozishlar endi...- deb kamtarona jilmaydi,- bizning yozishlar boshqacha. Ko'p yozaman, ammo-lekpni. Ana...
- Domla kitob javoni qatidagi tokchan ko'rsatdi. U yerda o'nlab qalin daftarlarni taxlag'liq edi. Saidumarning gapi yodimga tushdi: "Yozgani-yozgan. Qalin-qalin daftarlarni to'lg'azib tashlagan... Aqlligina jnnni...."
- Bir ko'rsam maylimi?- dedim choydan keyin o'rnimdan turib.
- Sen albatta ko'rishing kerak,- dedi domla, nazarimda, quvonib ketdi. "Yozganlarini hech kim so'rab o'qimasa kerak-da", deb o'yladim ichimda.
- Daftarlardan birini olib varaqladim. Chindan ham, hamma sahifalar to'latib, hafsala bilan yozilgan edi. Boshqa daftarlarni ham olib, ohib ko'rdim, ular ham shunday. Tig'iz, puxta yozuv bilan to'la.
- Bularning hammasi... bitta asar bo'ladimi?
- Bitta kitob... bo'lishi kerak. "Ezgu kitob".
- "Ezgu kitob?" Nomi shunaqami?

- Ha, hozirsha, xalqimiz. Amma, o'qilay, qoladagi uslar emas. Aslo! Badiiylikka da'vo qiladigan jinni emasman.

Badanim jimirlab ketdi: nahotki, o'zi ham tushunsa? "Ezgu kitob" emish... Ezgu kitoblar yozilib bo'lgan, ular asrlardan buyon yashab kelayapti. Buni tushunmaydigan odam...

Dastlab birinchi daftardagi sarlavhalarga ko'zim tushdi: "Zig'ir", "Parovoz", "Dallol", "Chumchuq", "Bezak", "Nosvoy"... I-e, biri tog'dan, biri bog'dan-ku? Domlaga qarab qo'ydim. Qarashimda qandaydir shuhbani payqadi, shekilli, zo'r berib tushuntira boshladi:

- Bu mavzular keyin sohasiga qarab, alfaviti bi-lan tartibga solinadi: tabiat, texnika, ijtimoiyat, siyosat, ashylar, jismlar, mavhum tushunchalar...

- Lug'atmi? Lug'atlar, qomuslar bor-ku? Domla o'ychan jilmaydi.

- Sen ham meni barcha lug'atu qomuslarni qayta yozib chiqishga ahd qilgan jinni ekan, deb o'layotgan bo'limgan tag'in, yozuvchi inim... Bu kitobda narsalarning, ashylarning, hayvonlarning oddiy va batafsil ta'riflari bo'ladi.

Ko'rib turibman... Mana, arava. Mana, qurbaqa... unga yarim daftar ta'rif. Haqiqatan ham oddiy...

- Hatto jo'n.

- Ha... Ham keng ta'rif. Kechirasiz, sizni jinni deb o'ylash xayolimga ham kelgani yo'q. Bu - uzoq avlodlar uchun bo'lsa kerak, hoynahoy?

- Uzoq, juda uzoq avlodlar uchun,- dedi domla tetiklanib.- Uzr, men seni ba'zilarga o'xshatmoqchi emas edim, qaytaga meni tushunishingga aminman. Bilasan, dunyoda hech narsa abadiy zmas. Faqat so'z, yozuv uzoq yashaydi... So'z, yozuv bo'limganda biz; masalan, qadim dunyo qiyofasi haqida tasavvurga ham ega bo'lmasdik.

- Qadim yunon eposlari...

- Barakalla!

- Lekin, domla... Mana, chunonchi, eshak... Unga yarim daftar bag'ishlabsiz...

Halim domla jilmayib, nimalarnidir esladi chog'i, dam o'tib, davom etdi:

- Buni... Xrushchev davrida, yodingdami, bu jonivorlarga qiron kelib... hamma qo'rasidan dashtga, sahroga haydavorib, juda xor qilishgandi. O'sha kunlari yozganman. Bilasanmi, inim, yer yuzida mamontlar yashagan vaqtida bir senga o'xshagan azamat qalamkash hafsalha qilib, ularning ta'rifini qog'ozga tushirganda edi...

- U zamonlar qog'oz, yozuv bo'limgan-da.

- Hozir esa bor! Mamont ta'rifi yozilmagani uchun hozir olimlar uning bnr suyagi topilsa katta kitob yozishayapti. O'z taxminlari uchun fan doktori unvonnni olishayapti. Iloji bor ekan, dunyoda avlodlar uchun har narsaning ta'rifi qolishi kerak, deb o'layman. Mana hozirgi yoshlarning hammasi ham Qo'qon aravaning qanday bo'lganligini bilavermaydi. Ming yil o'tib, hozirgi "Jiguli"ning qandayligini kim bilarkan, aytolasanmi?

- Ha, ming yilda ko'p narsa o'zgaradi, ko'p narsa izsiz yo'qolib ko'p yangiliklar...

- Ming yilni aytasan, yozuvchi inim. Mana "Qoraqalpoq qissasi" degan kitobing bor-a?

- Ha.

- O'shani yozganingga necha yil bo'ldi?

- 25-30 yil bo'lgandir.

- Ana! Unda sen Mo'ynoq ko'chalarida turib dengiz, to'lqinlari, chag'alay galalari, teploxford gudoklari ha-qida gapirasan.

Qo'ng'irotdan boshlangan qamishzorlar, tutash ko'llar, jing'il chakalaklari, to'qaylardan o'tadigan kecha yo'llari haqida yozasan. Shu kunda Qo'ng'irot, Mo'ynoq bolalari yuz kilometr narida dengiz, hatto dengiz ham emas, sho'r botqoqlar borligini eshitibgina biladilar! Qissangni o'qib hayron bo'ladilar. Ba'zan arzimagan bir narsaning ta'rifi butun bir tarixiy-madaniy qatlarni qayta ochish uchun kalit bo'lishi mumkin. Magnit lentasi, mikroteka, kompyuter davri ke-layapti. Bola "pero" nima deb so'raydi. G'oz pati bilan dohiyona kitoblar bitilgan zamonlar uning uchun ertak.

- Sizning rejangizga ko'ra... butun borliqni ta'riflab, chiqish kerak... bu, kechirasnz, ertakdan battar, utopiya-ku, domla?

- Buni jinnilik deb baholamaganingga hursandman. Utopiya esa, to amalga oshmagunchagina utopiya bo'ladi.

- Buni bizdan keyin ham kmlardir davom ettirar, demoqchisiz?

- Xuddi shunday. Eng muhimi - boshlash. Keyin borib.... balki shu bilan maxsus shug'ullanadigan uyushma, ehtimol, butun bir akademiya paydo bo'lар...

Bunga men o'zim ham qiziqib qolib, suhbatni maroq bilan quvvatlay boshladim.

- Domla... Nazarimda, bu ishning bir qismi bajarilgan ham, barcha tillardagi so'zliklar, qomuslar... ularni bir joyga to'plash... yo "Ezgu kitob"ga qo'shish, jamlash...

- Balli!..

- Lekin, domla... axir tillar ham borib-borib o'zgaradi, yo'qolib ketadi. "O'lik tillar" degan tushuncha bor.

- Gap shunda-da... Halim domla o'yga toldi. Umidsiz, asabiy... nazarimda, sal... jinniroq ham bo'lib ko'rindi.- Gap shunda-da...

Odamning o'zi yo'qolib ketmasdan burun qilish kerak buni...